



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

X. König Heinrich II. nimmt das Brandenburger Bisthum in seinen
besondern Schutz, am 27. October 1010.

[urn:nbn:de:hbz:466:1-54048](https://nbn-resolving.org/urn:nbn:de:hbz:466:1-54048)

**X. König Heinrich II. nimmt das Brandenburger Bisthum in seinen besondern Schutz,
am 27. October 1010.**

In nomine sanctae et individuae Trinitatis. Henricus, divina favente clementia rex. Divinae bonitatis clementia, quae nos ad culmen regiae majestatis evexit, ad hoc nos regnare voluit, ut subjectorum nobis populorum curam maximeque sacerdotum Christi congrua dispensatione adhibeamus, quorum orationibus et terrena credimus felicitate cumulari et aeternam quoque beatitudinem promoveri. Hac quidem nos sollicita consideratione pensantes, dignum ducimus et saluiferum judicamus, ecclesias dei sub nostro regimine positas ac praesertim eas, quae ab iniquis hominibus opprimuntur, sub nostrae tuitionis munimine defendendas suscipere et earum paupertati regali munificentia subvenire. Proinde omnium fidelium nostrorum pateat industriae, qualiter nos pro dei amore nostraeque animae remedio ecclesiam Brandeburgensem, in honore beatissimi Petri, apostolorum principis, fundatam, sub nostri mundiburdii defensione suscepimus, concedentes ejusdem ecclesiae episcopo Wigoni suisque successoribus, ut habeant eandem libertatem, quam episcopi Saxonici habent, videlicet in eligendo advocatos in toto suo episcopatu, prout eis oportuum fuerit, habeantque liberam facultatem de decimis sui episcopatus, in provincia scilicet Heveldon et in aliis provinciis, ubicunque parochia ejusdem episcopatus est, sicut sui antecessores tenuerunt, faciendi ad utilitatem supradictae ecclesiae, quicquid voluerint, omnium hominum regni nostri contradictione remota. Praecipientes itaque jubemus, ut nullus dux, marchio, comes, vicecomes vel aliquis reipublicae exactor praesatum episcopum aut suos successores de supra scriptis omnibus divestire, inquietare vel molestare presumat. Et ut haec nostrae corroborationis sive confirmationis auctoritas stabilis et inconvulsa omni permaneat tempore, hoc praecceptum inde conscriptum manu propria corroborantes sigilli nostri impressione jussimus insignire.

Signum domini Henrici, regis invictissimi.

Guntherus cancellarius vice Willigifii archicappellani notavit.

Data VI. Kal. Novembris indictione VIII. anno dominice incarnationis millesimo X^o, anno vero domini secundi Henrici regnantis VIII. Actum publice Oskeresleuo feliciter. Amen.

Nach dem Originale. Neuere Aufschrift: Privilegium secundi Henrici regis de Brandenburg, in quo committit episcopis Brandeburgensibus ordinationem suorum advocatorum et decimarum.

**XI. Kaiser Heinrich III. schenkt dem Brandenburger Bischöfe mehrere Einkünfte und Rechtssame
in Uhrsleben, am 19. März 1051.**

In nomine sanctae et individuae Trinitatis. Henricus, divina favente clementia Romanorum imperator semper augustus. Si piis petitionibus fidelium nostrorum exorabiles aures impendimus ad stabilitatem nostri regni nostraeque vitae, immo animae nostrae profuturum esse, minime dubitamus; quapropter omnibus Christi nostrique fidelibus, tam futuris quam et presentibus, notum esse volumus, qualiter nos ob interventum et petitionem ejusdemque jure servitium Dancwardi, Brandeburgensis episcopi, eidem Dancwardo mercatum, monetam, theloneum, districtum cateraque omnia ad haec juste legaliterque pertinentia in loco Ursleue et in pago Nordthuringa et in comitatu Liuthere comitis sita, nostra imperiali auctoritate concessimus, ea videlicet ratione, ut Danc-